



Inatsisartunut ilaasortaq Karl Lyberth, Siumut
/MAANI

Arctic Green Food A/S-imik Napasup tunitsivianik kiffartuussinissamik isumaqatigiissut pillugu § 37 malillugu apeqquteqaat nr. 2012-182-mut akisutit

13. august 2012
Suliap nr. 2012-070889
All. Upp. Nr. 982063

Postboks 269
3900 Nuuk
Oqa. (+299) 34 50 00
Allak (+299) 34 63 55
E-mail: apnn@nanoq.gl
www.nanoq.gl

Inatsisartut suleriaasianni § 37, imm. 1 naapertorlugu Napasup tunitsivia aamalu Arctic Green Food A/S-imit (AGF) kiffartuussinissamik isumaqatigiissut pillugu apeqqutinik saqqummiussisimavutit. Apeqqutit uannut akisussanngorlugit innersuutigineqarsimapput.

Apeqqutit:

1. **Arctic Green Food A/S-imut kiffartuussinissamik isumaqatigiissute-garnermut atatillugu Napasumi tunitsiviup ammatinneqarnissaa ilanngullugu piumasaqaataavaa?**
2. **Napasumi tunitsiviup ammartinneqarnissaa ilanngullugu piumasaqaataappat Napasumilu tunitsivik ammatinneqarnani tamanna Naalakkersuisunit qanoq kinguneqartinneqassava?**
3. **Arctic Green Food A/S-imut kiffartuussinissamik isumaqatigiissute-garnermi tunitsiviit allat sorliit ilanngunneqarsimappat?**
4. **Kiffartuussinissamik isumaqatigiissutip malinneqarnissaa qulakkearniarlugu Naalakkersuisut qanoq sunillu iliuuseqarniarpat?**

Akissutit:

Apeqqutivit akinnginnerani siusinnerusukkut apeqqutitut taamatut ittunut akisutinnut innersuussilaarusuppunga. Taamaasillunga § 37-ikkut apeqqutitut nr. 2012-160-imut innersuusserusuppunga.

1-mut) Aap, kiffartuussinissamik isumaqatigiissummi (kiffartuussinissamik isumaqatigiissut) AGF-ip Napasumi tunitsivianut aalisartut piniartullu tunisisarsinnaanissaannut isumaqatigiissummi piffissarititaasumi periarfissaqarnissaanut AGF-ip kisimi isumannaajarnissaa pillugu piumasaqaateqarpoq.

2-mut) AGF-ip niuertorpalaartumik naleqqussaasinnaaneranut kiffartuussinissamik isumaqatigiissummi periarfissaqarpoq. Taamaasilluni ajornaviannngilaq, piffissani sivikitsuni suliaqartarnerit qaffasissusaat annikinnerusaraluarpata, kiffartuussinissamik isumaqatigiissummit pisussaaffimmik sumiginnaanertut allatut ajornartumik isigineqanngitsumik. Kiffartuussinissamik isumaqatigiissummi pisussaaffimmik sumiginnaanertigut, pininnaatitaaffitsigut periarfissaasut atorneqartariaqassappata, ilaatigut akiliutit ilaannik unitsitsinissamik kinguneqarsinnaasut, imaluunniit akiliutaasut ilaannik tamarmiusunilluunniit akiliutinik utertitsinissamik piumasaqaateqarnissaaq. Taamaasilluni pisariaqalissappat Naalakkersuisut pissutsinut pininnaatitaanernullu kiffartuussinissamik isumaqatigiissummi tunniunneqarsimasut atortariaqassavaat.

3-mut) Maannakkut Arctic Green Food A/S-mik kiffartuussinissamik isumaqatigiissummi tunitsiviit tulleriit ilanngunneqarsimapput. Isumaqatigiissummut ilaapput tunitsiviit illoqarfinni nunaqarfinnilu makkunani: Qaanaaq, Savissivik, Ittoqqortoormiit, Attu, Ikamiut, Kangerlussuaq, Napasoq, Maniitsoq, Qassimiut, Narsarmijit, Aappilattoq aamma Tasiusaq.

4-mut) Kiffartuussinissamik isumaqatigiisut makkuninnga, tassa tunisisarnerup inissisimaneranik nalunaarusiortoqartarnissaanut, aammalu ataatsimut suliaqartarnerit qaffasissusaat tunitsiviillu ataasiakkaat pillugit piumasaqaatitaqarpoq. Nalunaarutiginninneq tulliususaaq pissaq kingusinnerpaamik ulloq 15. august 2012, tulliusutullu nalunaarutiginnittarnermik tamatuminnga mississueqqissaari-soqassaaq.

Tamakku saniatigut kiffartuussinissamik isumaqatigiisummik ingerlaannartumik nangitsinermut atatillugu pisortatigoortuunnginnerusumik nalunaarutiginnittoqartarpoq aammattaaq saaffiginnissutit makkuninnga nassataqarsinnaasut, allaat AGF-i pisariaqartumik tunisinertigut inissisimanernut suliaqatarnerrillu qaffasissusaannut qanoq pissutsinut takussutissamik nassuiaammik piumasaqarfigineqarsinnaalluni.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq